



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Ne Clericvs Et Monachvs saecularibus se immisceat negotiis; & de regula
religiosorum.

urn:nbn:de:hbz:466:1-15588

PART
XXVII.NE CLERICVS VEL MONACHVS
SÆCVLARIBVS SE NEGOTIIS IMMISCEAT:
& de regula religiosorum.ANNO
CANTU
1179.

CAP. I.

Idem Cantuariensi archiepiscopo, & eius suffraganeis.

FRATERNITATI vestrae per apostolica^{*} praecepta mandamus, quatenus vniuersis monachis vestrae iurisdictionis arctius inhibere curetis, ne villas & ecclesias ad firmam^{*}, vel receptas detinere praesumant. Quod si praesumpserint, eos, auctoritate apostolica freti, sublato appellationis remedio, faciatis a praesumptione sua, ecclesiastica distictione cessare.

^{*}prae-
pta^{*}videtur
desse,
recipiunt
q. 1.
N. 111.CAP. II. *Idem in Concilio Turonensi.*Job. 39. iux-
ta LXX.

1. Cor. II.

Non magnopere antiqui hostis inuidia infirma membra ecclesiae praecipitare laborat. Hic manum mittit ad desiderabilia eius, electos quoque nititur supplantare, dicente scriptura: *Esca eius electi*. Multorum liquidem casum se operari reputat, vbi aliquod membrum ecclesiae sua fuerit calliditate subtractum. Et inde nimirum est, quod in angelum lucis more solito se transfigurans, sub obtentu languentium fratrum consulendi corporibus, & ecclesiastica negotia fidelius pertractandi, regulares quosdam ad legendas leges, & confectiones physicas ponderandas, de suis claustris educit. Vnde ne sub occasione scientiae spirituales viri mundanis rursus actionibus inuoluantur, & in interioribus ex eo ipso deficient, ex quo se aliis putant in exterioribus prouidere: de praesentis Concilii assensu statuimus, vt nullus omnino post votum religionis, post factam in loco aliquo religioso professionem, ad physicam legesve mundanas legendas permittatur exire: si vero exierit, & ad claustrum suum infra spatium duorum mensium non redierit, sicut excommunicatus ab omnibus euitetur, & in nulla causa, si patrocinium praestare voluerit, audiat. Reuersus autem in choro, capitulo, mensa & ceteris, vltimus fratrum existat: & (nisi forte ex misericordia apo-

ANNO
CHRISTI
1179.

stolica sedis) totius promotionis spem amittat. Episcopi vero, abbates, priores, tantæ enormitati consentientes, & non corrigentes, spolientur propriis honoribus, & ab ecclesiæ liminibus arceantur.

CAP. III. *Idem Londoniensi episcopo.*

Secundum instituta prædecessorum nostrorum, sub interminatione anathematis prohibemus, ne monachi vel clerici causa lucri negotientur, & ne monachi a clericis vel a laicis firmas habeant, vel laici ad firmam ecclesias teneant.

Supra de
religios.

CAP. IV. *Idem Cantuariensi archiepiscopo.*

Clericis, qui in sacris ordinibus sunt constituti, iudicium sanguinis agitare non licet. Vnde prohibemus, ne aut per se truncationes membrorum faciant, aut iudicent inferendas. Quod si quis tale quid fecerit, honore priuetur, & loco. Iubemus etiam sub interminatione anathematis, ne quis sacerdos officium habeat vicecomitis, aut præpositi sæcularis. Clerici etiam qui comam nutriunt, etiam inuiti ab archidiaconis suis tondeantur. Vestimentis autem & calceamentis, nisi quæ honestatem & religionem deceant, vti non liceat. Si quis autem contra venire præsumperit, & commonitus emendare noluerit, excommunicationi subiaceat.

Ex Tolet.
Concil.

Ex Conc.
Rom. Clerici in sub.

CAP. V.

*Idem dilectis filiis G. priori & fratribus iuxta disciplinam bonæ memoriæ * viuentibus.*

Ad petitionem vestram, regulam secundum quam viuere debeatis, & omnipotenti Deo seruire, duximus constituendam: In primis id statuentes, vt professionem maiori priori omnes laici faciant, in manu eius se absque proprio victuros promittentes, & continentiam, quantum permiserit diuina gratia, seruare. Cui quoque tam clerici quam laici, sicut proprio magistro & animarum suarum rectori, debitam in omnibus obedientiam promittant. Nec alicui inter vos professo liceat ad alium ordinem, absque prioris licentia, vilo modo transire, nisi forte ad religionem migrauerit arctiorem. Nullus, absque prioris licen-

tia hospitale audeat facere. Nullus proprium habeat. Si quid adquisierit, rectori suo assignet. Nullus vestrum alicui vobiscum esse volenti * crucem tribuat, sed per medium annum vel integrum vobiscum in probatione permaneat. Et tunc maiori priori presentetur, & ab ipso, non ab alio, crucem accipiat.

Supra de
coniugatis,
& infra in
eodem cap.

Ann
Craur
177

* ad h
rim ex
quid fa
li.

* *Vxoratus & con. ut supra, de coniugatis. & infra.*

1. q. 1. Ne-
mo. 17. q. 2.
Quidam.

Nemo vestrum alicui in capite coronam faciat. Si hospitale in aliquo loco absque oratorio feceritis, liberum erit vobis, absque conscientia episcopi, in cuius parochia fuerit, ipsum constituere. Quod si oratorium ibidem edificare volueritis, absque licentia episcopi non faciatis, iustitia sua in omnibus seruata. Si cum aliquo vestrum, eo mortuo, pecunia inuenta fuerit, & in vita sua non patefecerit, nec ad ecclesiam, nec ad hospitale sepeliatur, sed extra ciuitatem in campis deponatur.

CAP. VI.

Idem episcopis, archidiaconis, & aliis ecclesiarum praesentis, per Galliam constitutis.

Non est vobis dubium, vel incertum, quomodo fratres religiosi * Cistrenensis ordinis ea religione praemineant & virtute, quod ex institutione patrum & praedecessorum nostrorum, hi qui in eorum monasteriis professionem faciunt, sine licentia sui abbatis prohibentur de claustro discedere, & discedentes, in aliis monasteriis non recipi. Inde est, quod nos eandem institutionem non solum amicam religioni & rationi consonam sollicitè conseruare volentes, vniuersitati vestrae, &c. quatenus monachos vel conuersos praedicti ordinis, post factam in monasteriis professionem, sine licentia abbatum suorum per episcopatus vestros recipi nullatenus permittatis, & si qui fuerint ex eis, qui sine licentia abbatum suorum de monasteriis, in quibus professionem fecerunt, exire praesumpserint, & commoniti ad sua monasteria celeriter non redierint, eos tamdiu, appellatione remota, censura ecclesiastica percellatis, donec ad monasteria, vnde exierunt, regredi compellantur.

* C.
Beruicis

Item

ANNO
CHRISTI
1179.

CAP. VII. *Idem Londoniensi episcopo.*

Relatum est auribus nostris, quod monachi de Nestun seculariter viuunt, & alios exemplo corrumpunt. Inde est quod auctoritate apostolica tibi indulgemus, vt eos ad obseruationem monastica regula, appellatione remota, compellas: aut si tibi restiterint temerario ausu, eis abiectis, fratres Cistrenensis ordinis in praescriptum monasterium inducas, vt labores impiorum iusti edant, & illi inde rubore suffusi, ad sui ordinis obseruantiam conuertantur.

*f. Cl.
Retruéti

DE PACTIONIBVS LICITIS PARS XXVIII.
ET ILLICITIS IN REBVS
ecclesiasticis.

CAP. I.

Idem Alexander tertius Exoniensi episcopo.

QUERELAM magistri Vu. recepimus, qui cum ecclesiam de Ferleia a G. persona eiusdem ecclesiae ad annum censum per septennium tenendam suscepisset, ipse sibi eam, antequam per vnus anni spatium tenuisset, auferre praesumpserit: quamquam idem G. praestita sibi fide firmauerit, quod vsque ad terminum constitutum, nullam exinde molestiam vel grauamen ei inferret. Ideo tibi per A. S. mandamus, quatenus si tibi constiterit ita esse, appellatione remota, districte compellas, vt praefatam ecclesiam praedicto Vu. restituat, & vsque ad terminum inter eos constitutum, secundum quod inter eos conuenit, eandem permittat pacifice possidere.

Vsque ad
certum ter-
minum ec-
clesiam lici-
te teneri ad
censum an-
nuum.

CAP. II. *Idem Exoniensi & Vigornensi episcopis.*

Cum iam pridem Simon clericus procurator prioris & monachorum de Acra, & P. clericus, pro causa qua inter eosdem monachos & praedictum P. & fratrem eius, pro cuius parte se vicem gerere dicebat, super ecclesia de Ha. & capella de I. vertebatur, ad nostram praesentiam accessissent, ita inter se, nobis tamen non mediantibus, conueniunt, quod praedictus procurator prioris & monachorum,

Concil. Tom. 27.

Nnnn